

CNS4958

R GB 17-04 00151 BA494

bah

PENDEKATAN MEMBAWA MASUK PELABUR ATASI MASALAH PHNGANGGURAN

Maha thir - Ekonomi

JOHOR BAHARU, 17 April (Bernama) -- Perdana Menteri, Datuk Seri Dr Mahathir Mohamad, berkata pendekatan kerajaan membawa masuk pelabur asing telah membuka peluang pekerjaan baru dan rnebantu mengatasi masalah pengangguran.

Katanya, kejayaan pendekatan itu amat terserlah sehingga pada masa ini sektor perkilangan malahan kekurangan pekerja dan kerajaan terpaksa pula membenarkan pengambilan buruh asing.

Penekanan kerajaan kepada pertumbuhan sektor perkilangan dan industri sejajar dengan peluang pekerjaan yang banyak, yang akhirnya boleh nenampung pertambahan satu juta pekerja setiap 28 bulan, katanya pada majlis Jamuan Perdana anjuran Kerajaan Negeri di kediaman rasmi Menteri Besar, Saujana, di sini, malam tadi.

Dr Mahathir memberitahu lebih 5,000 hadirin pada majlis itu bahawa pertumbuhan sektor perkilangan telah mengubah jenis barangan eksport Malaysia dari 100 peratus bahan mentah dahulu, menjadi 53 peratus barangan pembuatan sekarang. -- Lagi.

▼17/04/11-17MST

CNS4959

R GB 17-04 00137 BA495

bah

Mahathir - Ekonomi 2 Johor Baharu

Langkah membawa pelabur asing itu juga telah membolehkan rakyat meningkatkan pengetahuan teknologi yang amat berguna dalam persediaan negara untuk menjadi negara industri, tambahnya.

Dr Mahathir juga menegaskan, Kerajaan Pusat hanya akan berhutang untuk membiayai pembangunan negara berdasarkan kadar kemampuannya untuk membayar balik.

Katanya, penswastaaan projek-projek pembangunan yang besar dapat menjamia perbelanjaan negara tidak terlalu tinggi dan proses pembangunan negara berjalan lancar.

Mengenai pembangunan Johor', Perdana Menteri berkata Kerajaan Pusat akan memastikan pembangunan Lapangan Terbang Sultan Ismail Senai, dekat sini diberi perhatian untuk memastikan ia membangun seiringan dengan pembangunan pesat negeri ini.

Katanya, Kerajaan Pusat telah memperuntukan \$93 juta untuk kerja-kerja menaikkan taraf lapangan terbang itu yang telah memulakan penerbangan antarabangsa ke Hong Kong awal bulan ini. -- Lagi.

▼17/04/11-19MST

CNS4960

R GB 17-04 00084 BA496

bah

Mahathir - Ekonomi 3 Johor Baharu

Sementara itu Menteri Besar, Tan Sri Haji Muhyiddin Yassin berkata kerajaan Pusat perlu 'mempertimbangkan sebuah kawasan bebas cukai di bandar ini untuk membolehkan penduduk Johor Baharu dan sekitarnya berbelanja, memadangkan kos hidup yang tinggi di bandar ini.'

Katanya, kos hidup yang tinggi di bandar ini sekarang membebankan mereka yang makan gaji terutama kakitangan kerajaan dan oleh itu langkah itu perludifikirkan sebagai usaha mengurangkan beban mereka. -- Bernama.

▼17/04/11-19MST